

Revisiun parziale dals Tschantamaints da la Società retorumantscha (SRR)

Autor(en): **[s.n.]**

Objektyp: **Article**

Zeitschrift: **Annalas da la Societad Retorumantscha**

Band (Jahr): **75 (1962)**

PDF erstellt am: **30.04.2024**

Persistenter Link: <https://doi.org/10.5169/seals-226218>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

Revisiun parziale dals Tschantamaints da la Società retorumantscha (SRR)

(Fundada als 15 december 1885)

Revais ed acceptà da la radunanza generala dals 9 gün 1961

Art. 1

Cumbat per il mantegnimaint e la preservaziun da la lingua materna, la plü veglia lingua dal pajais. Cultivaziun da quella in seis idioms specials, tuot in tscherchand d'avicinar quels scopür d'evitar ün massa grand sparpagliamaint da forzas, mezs e publicaziuns.

Intent da la SRR

Art. 2

Collecziun e conservaziun da monumaints dal linguach rumantsch e publicaziuns da similas ed otras lavyors scientificas, literaras, belletristicas, culturalas etc. saja illas Annalas, l'organ annual da la SRR, saja in ouvras specialas.

Art. 3

Cumpilaziun ed ediziun dal Dicziunari rumantsch grischun (Idioticon) e promozion d'otras lavyors scientificas da simil genera a prô da la lingua, da sia derivanza o istorgia.

Art. 4

Sco commember da la SRR vain admiss minchün chi abunescha Organisaziun las Annalas *opür il Dicziunari rumantsch grischun*.

Ün commember po gnir exclus, sch'el nu vain incunter a seis obligs invers la SRR o as deporta in möd chi fa dan a quella o a sas miras. L'exclusiun vain fatta tras decisiun da la radunanza generala.

Art. 5

Mincha trais ans elegia la radunanza generala la suprastanza, chi's cumpuona d'almain 7 commembers. Quaists as dessan scumpar-

tir in möd pussibelmaing güst süls differents idioms e süllas differentas cuntradas rumantschas.

Il president vain elet da la radunanza generala stessa, invezza cha la suprastanza as constituischa da sai.

Art. 6

La suprastanza maina ed administrescha ils affars da la SRR confuorm a l'intent da la SRR e nomna *ils redactuors da las Annalas*.

Art. 7

La SRR salva *minch'an üna* radunanza generala e's radunescha uschigliö tant suvert co cha la suprastanza resguarda quetant per necessari.

Da temp in temp dess avair lö üna radunanza sül pajais.

Art. 8

La suprastanza tscherna ils redactuors ed agüdants dal Dicziunari rumantsch grischun ed elegia la cumischiun filologica. Las incumbenzas da quaist' ultima veggan fixadas in ün regulativ.

Art. 9

Mincha commember paja a la SRR l'import d'abunamaint chi vain fixà da la suprastanza per las Annalas o per il Dicziunari rumantsch grischun.

Art. 10

Ils commembers promovan tant co pussibel las miras e'lts intents da la SRR scopür la collecziun da monumaints rumantschs e la propagaziun da las Annalas e dal Dicziunari rumantsch grischun.

Art. 11

Lingua ufficiala illas radunanzas ais il rumantsch in seis differents idioms.

Art. 12

La biblioteca, tuottas collecziuns, il material scientific, instrumaints etc. sun proprietà da la SRR.

La SRR trattegna ün archiv chi cunsalva tuotta documainta da valur.

Art. 13

Per cas cha la SRR avess da's schoglier, resta sia proprietà illa conservaziun da la Biblioteca chantunala e, schi's tratta da munaida o tituls, in quella da l'administraziun da finanzas chantunala. Il tuot gnarà surdat ad üna nouva società chi avess da nascher culs medems intents e las istessas miras.

Art. 14

Quaists tschantamaints substituischan quels da la Società retoromantscha dals 15 december 1885 / 21 mai 1937 e pon gnir revais cur chi saja tenor la decisiun valabla d'üna magiuranza da vuschs absoluta dals commembers preschaints a la radunanza generala, clamada aint a tal böt confuormamaing a quaists tschantamaints o a las relativas disposiziuns legalas dal Cudesch civil svizzer.

Art. 15

In cas da dubi o in tuots cas ingio cha quaists tschantamaints nu cuntegnan ingünas disposiziuns, dan norma ils artichels dal Cudesch civil svizzer.

Revisiun parziala dils Tschentaments dalla Societad retoromontscha (SRR)

(Fundada ils 15 da decembre 1885)

Revedi ed acceptai dalla radunonza generala dils 9 da zercladur 1961

Art. 1

Intent dalla SRR

Cumbat per il manteniment e la preservaziun dil lungatg matern, il pli vegl lungatg dalla tiara. Cultivaziun da quel en ses idioms specials, tschercond d'avischinat quels sco era d'evitar che las forzas, ils mezs e las publicaziuns sespatetschien memia zun.

Art. 2

Collecziun e conservaziun da monuments dil lungatg romontsch e publicaziuns da semegliontas ed autres lavurs scientificas, litteraras, belletristicas, culturalas etc. seigi ellas Annalas, igl organ annual dalla SRR, seigi en ovras specialas.

Art. 3

Cumpilaziun ed ediziun dil Dicziunari romontsch grischun (Idioticon) e promozion d'autras lavurs scientificas da semegliont caracter en favur dil lungatg, da sia derivonza u historia.

Art. 4

Organisaziun

Sco commember dalla SRR vegn admess scadin che abonescha las Annalas *ni il Dicziunari romontsch grischun*.

In commember sa vegrir sclaus, sch'el ademplescha buca sias obligaziuns enviers la SRR u sch'el sedeporta en ina maniera che fa donn a quella u a sias miras. L'exclusiun vegn fatga tras decisiun dalla radunonza generala.

Art. 5

Mintga treis onns elegia la radunonza generala la suprastanza, che secumpona da silmeins 7 commembers. Quests duessen sereparter

ton sco pusseivel en ina gesta relaziun sils differents idioms e sillas differentas cuntradas romontschas.

Il president vegn eligius dalla radunonza generala sezza, ferton che la suprastonza se constituescha da sesez.

Art. 6

La suprastonza meina ed administrescha las fatschentas dalla SRR conform agl intent dalla SRR e numna *ils redacturs dallas Annalas.*

Art. 7

La SRR salva *mintg'onn ina* radunonza generala e seradunescha per auter aschi savens sco la suprastonza anfla quei per necessari.

Da temps en temps duess haver liug ina radunonza silla tiara.

Art. 8

La suprastonza tscharna ils redacturs e gidonters dil Dicziunari romontsch grischun ed elegia la Cumissiun filologica. Las incumbencias da questa vegnan fixadas en in regulativ.

Art. 9

Mintga commember paga alla SRR igl import d'abonnement che vegn fixaus dalla suprastonza per las Annalas u per il Dicziunari romontsch grischun.

Obligaziuns dils
commembres

Art. 10

Ils commembres promovan ton sco pusseivel la finamira ed ils intents dalla SRR sco era la collecziun da monuments romontschs e la propagaziun dallas Annalas e dil Dicziunari romontsch grischun.

Art. 11

Lungatg ufficial ellas radunonzas ei il romontsch en ses differents idioms.

Art. 12

La biblioteca, tuttas collecziuns, il material scientific, instruments etc. ein proprietad dalla SRR.

Disposiziuns
generalas

La SRR mantegn in archiv che cuntegn tuts ils documents da valur.

Art. 13

Per cass che la SRR duess sedissolver, vegn sia proprietad depo-nida per conservaziun tier la Biblioteca cantunala e, sch'ei retracta da daners u tetels tier l'administraziun da finanzas cantunala. Tut ensemens vegn surdau ad ina nova societad che seconstituess culs medems intents e las medemas miras.

Art. 14

Quests tschentaments substitueschan quels da la Societad retoromontscha dils 15 da december 1885 / *21 da matg 1937* e san vegnir revedi cura ch'igl ei tenor la decisiu valabla d'ina majoritad da vuschs absoluta dils commembers presents alla radunanza generala, clamada a tal scopo conform a queste tschentaments u allas relativas disposiziuns legalas dil Cudisch civil svizzer.

Art. 15

En cass da dubi u en tuts cass nua che queste tschentaments cuntegnan buca disposiziuns, valan per norma ils artechels dil Cudisch civil svizzer.